

Lebih RM57,000 kompaun dikenakan terhadap peniaga topeng muka

Februari 10, 2020 Ditulis oleh Media Baharu



JUMLAH KOMPAUN RM 57,400 DIKENAKAN KE ATAS PENIAGA-PENIAGA TOPENG MUKA DI BAWAH AKHAP 2011 SETAKAT 9 FEBRUARI 2020

1. Bagi melindungi pengguna daripada pencatutan berikutan peningkatan permintaan untuk topeng muka, pegawai-pegawai Penguatkuasa Kementerian aktif melakukan pemeriksaan setiap hari di premis-premis perniagaan yang menjual topeng muka seluruh negara mulai 25 Januari 2020.
2. Setakat 9 Februari 2020, sebanyak 2,103 premis perniagaan borong dan runcit telah diperiksa. Daripada 2,103 premis perniagaan yang dipantau, 17 kesalahan telah dikesan dan diambil tindakan dengan nilai kompaun sebanyak RM 57,400 dikeluarkan dan nilai rampasan berjumlah RM 4,255.50.
3. Daripada 17 kesalahan itu, 14 adalah kes jualan melebihi harga maksimum dan 3 adalah kes tidak mempamerkan tanda harga.
4. Di sini saya ingin menegaskan bahawa topeng muka merupakan barang harga terkawal di bawah Perintah Kawalan Harga (Barang-Barang Harga Terkawal) 2009 dan Perintah Kawalan Harga (Penetapan Harga Maksimum) (No.2) 2009. Ini bermaksud mana-mana penjual yang menjual topeng muka melebihi harga yang diwartakan melakukan kesalahan di bawah Akta Kawalan Harga dan Antipencatutan 2011.

KUALA LUMPUR, 10 Feb - Kementerian Perdagangan Dalam Negeri dan Hal Ehwal Pengguna, KPDNHEP mengenakan lebih 57 ribu ringgit kompaun terhadap peniaga topeng muka, setakat semalam.

Pemeriksaan penguatkuasaan sejak 25 Januari lepas, sehingga semalam di seluruh negara mendapati kesalahan menaikkan harga topeng antara kesalahan yang paling kerap dilakukan.

Menterinya, Datuk Saifuddin Nasution Ismail menegaskan peniaga yang menjual topeng muka melebihi harga yang diwartakan boleh dikompaun mengikut akta kawalan harga dan anti pencatutan 2011

Serentak dengan itu, pemantauan giat dijalankan bagi memastikan peniaga mematuhi harga topeng muka yang telah diwartakan mengikut AKHAP 2011.

Susulan kekurangan bekalan topeng muka di pasaran, pihaknya telah berbincang bersama pengeluar, pengimport, pemborong dan peruncit topeng muka bagi mengatasi masalah itu.

Pengguna disaran melaporkan kepada 9 saluran KPDNHEP atau menggunakan aplikasi whatsapp menerusi talian 019-279-4317 sekiranya mendapati peniaga menaikan harga sesuka hati